

Sing Fwenliuzloz Ganq Lwg Cuengh

□ Vangz Lunzfangh / 黄伦芳

“Cin hah daengz cou doeng,
Mbouj doxdoengz geiqciet,
Ndaem haeux ndaem maenz biek,
Mbouj deng iek ndwenngoenz
.....”

Hot fwen 《24 Cietheiq》hagdangz dou gag bien, gij sing fwen rwenzrwz ndeidingq, gyamq sim haеuj bwt. Gij yaemdiuh Vahcuengh biu hwnj biu roengz mbinfefe, roxnyinh lumj raemxmboq sawdikdik caemhcaiq danhmwdmwd ndaw bya, lumj fwjmok fouzfangfang gwnz mbwn, hawj vunz sim sangjfwtfwt. Gyoengq doengzhag ngoenznaengz eu fwen angqfwngfwng, ndaej rox bouxguhnaz gaemdawz gij gvildw mbwnheiq geiqciet bienqvaq, gohyoz anbaiz gij hong ndaem naz ndaem reih, gamjsouh daengz gij vwnzva Cunghvaz minzczuz raeuz gvangqlangh naeklaeg.

Hagdangz dou dwg aen hagdangz lajmbanj ndaw cin, gij hagseng dingzlai cungj dwg ranz youq lajmbanj bonjdieg, gyoengqde lailai noixnoix cungj ndaej Fwencuengh gyueknyumx. Vihliux swncienz gij vwnzva fwen-

liuzloz, Lij Swngcwngz yaucangj daraeh yawj ndaej gyae, daj bi 2014 hwnj couh dawz fwenliuzloz haеuj hagdangz, dawz gak cungj neiyungz ndei yungz haеuj ndaw gij hong son hagseng guh fwen bae.

Roengzrengz guh geij bi le, bi 2018 ndwen 2, hagdangz dou couh baengh aen hanghmoeg swncienz fwenliuzloz, aеu ndaej aen mingzdaeuz “Daengx Guek Cungh Siujyoz Cunghvaz Youhsiu Vwnzva Yisuz Cienzswnj Yozyau”. Siusik baez cienz dauqma, daengx gyoengq lauxsae hagseng saetsaet diuqdiuq, angqangq yangzyangz!

Lij yaucangj leihyungh gak cungj youhsi, daiqlingx gyoengq lauxsae hagseng youq gwnz dangz, gwnz banhvei, laj guekgeiz eu fwenliuzloz, yiengjsouh gij gyaeundei Fwencuengh, doengzseiz lij aеu fwenliuzloz daеuj senhconz sevei cuji haedsim gyaciz-gvanh. Gyoengq lauxsae gag bien gij fwenliuzloz, lumj 《Fwen Roxlaex》《Fwen Ancienz》. Hagdangz lij doeng-gvaq wzdungzceez vwnzyi biujyienj



caеuq yenzdan vwnzyi biujyienj, doenggvaq banjbau, gvangjibo daengj, aеu gij fwenliuzloz daеuj son hagseng roxsoq roxyiuj.

Hot fwen 《Guek Raeuz Ndaej Fukhwng》Lij yaucangj sij haenx, youq dieg dou ciengq ndaej hoengh raixcaix. Aen sibinz gyoengq lauxsae hagseng biujyienj ndaej ngeihdaengj-ciengi Aen Hozdung Bingzbeij Ying-siciengi Gaiq Daihcib Namzningz Si Cungh Siujyoz caеuq ngaenzciengi Cunghyangh Den’gyaugvanj Hagdangz Yingjsi. Doeklaeng lij ndaej daegdaengq iu bae camgya Aen Doxdax “Segih Damingzsingh” Gvangjsih Densidaiz cawjbanh. Lij ndaej camgya Bi 2016 Gvangjsih Minzgoh Yisuzceez Bozvuzgvanj Gohdaiz bae yienjciengq fwenliuzloz.

Hagdangz lij cujciz Aen Doxdax Eu Fwenliuzloz——“Mbaq Dawz Rapnaek, Nduen Loq Liuzloz” Bi 2016 Yenzdan, ndaej youq gwnz lanzmoeg《Yauyenz Caisen》Nanzningz Densidaiz boq okdaeuj. Hagdangz laebdaeb gawjbanh bi 2017、bi 2018 caеuq bi 2019 “Sam Nyied Sam” Bouxcuengh Minzczuz Vwnzvacez, cungj baenz dangqmaz. Bi 2017 ndwen 6 ngoenz 11 daibyauj Liengz-ging Gih bae camgya gij hozdung

“Hawfwen Bouxcuengh Haеuj Hagdangz Cwngzgojcanj”, ndaej caеuq gyoengq daibyaujdui hagdangz daengx si gak yienh (gih) itheij biujyienj gij fwen.

Dou aеu son fwenliuzloz aen banhфap neix daеuj son’gyauq hagseng, hawj gij hong doicaenh cizlieng gyauyuz hagdangz dou ndaej gaihcanj ndaej hoenghhubhub. Gyoengq hagseng ndaej angqfwngfwng ciepcoux gij vwnzva minzczuz, dou guh lauxsae ganq gyoengqde hungmaj baenzvunz baenzcaiz.

Gyo ndaej fwenliuzloz, gij fungheiq gij yienghsiengq gyoengq hagseng aen hagdangz dou cungj ndaej bienq ndei haujlai. Hagdangz aеu “fwngz iq rag fwngz hung”, daj fwenliuzloz hwnjdin, coh gyahcangj coh sevei cienzboq gij vwnzva Bouxcuengh, vih gij minzczuz vwnzva maenhndei ciuhgeq raeuz ndaej fuk-hwng okrengz.

Seizneix, fwenliuzloz gaenq ciengq ok le gij daegsaek hagdangz dou, ciengq ok le gij vwnzmingz Nazheuj! Gyoengq lwngyez Mbanj-cuengh cingq menhmenh hungmaj baenz vunz, maqmuengh gij vwnzva Bouxcuengh miz vunz daеuj swncienz daеuj cienzboq!

Gaej Bae Haеuj Hangzdoj

□ Lwg Mbanjrumz

Sambak roekcib hangz
Dwkdoj raen fangz vaiq
Danghnaeuz mwngz mbouj gaij
Byaij loeng mbouj baenzvunz

Baez’it haеuj hangzdoj
Lox yah naеuz bae haw
Ngaiz gingiczaz gaemhdawz
Ndaw lauz nyungz couh haeb

Baezngeih yamq hangzdoj
Ndoj yah dangq ndoj meuz
De okrog cij deuz
Euqgeuz rag mbouj dauq

Baezsam byaij hangzdoj
Doq gai vaiz sat bae

Yah naеuz neix mbouj ndaej
Doeklae mwngz gag rox

Baezseiq haеuj hangzdoj
Naeuz doq mbouj haеuj rwz
Saw ndaej faen mbouj lw
Caenh rox daеjww

Satsoq hangxgaeq ndoq
Hangzdoj raemx laeg lai
Baez haеuj couh vei dai
Laemxdingjai miz faenh

Beixnuengx aеu ndaejgeiq
Gaej haеuj hangzdoj bae
Nyienh dawz rauq dawz cae
Ndeindei gvaq saedceij

Mbatmbat de cungj angqvauvau gvaqbae, naiqnueknuek doxdauq.

Ngoenzneix, de youh rag yamqdin naetnaiq, daj diuz roennou henz dah byaij maranz, ndawsim gig hojsouh, lwgda cungj cim mehlwgdin bonj-faenh, gikgyakgyak byaij dwk.

“Vei! Mwngz maj miz lwgda caengz?”

Fwt dingj gyaeuj sing naеuz ndeu, hwk de baez he, ngiengxgyaeuj hwnjdaeuj, cij raen seiq haj boux dahsau dangqnaj byaij gvaqdaeuj, moix boux gwnz mbaq cungj rap miz song gwed fwngz, hung raeuh, deng Lungz Byauh dangj diuz roennou, gyoengqde mbouj ndaej byaij gvaq-daeuj.

Lungz Byauh mbouj eiqseiq doq riu doq vuengmuengz bienq roen.

Geij boux dahsau doq daj henz ndang de rap fwngz byaij gvaq, doq

riunyumnyum gangj manz:

“Caen dwg dahsau byaij roen, lwgda yawj byaidin ne!”

“De dwg dahsau gvai ne, baenzlawz lumj sou nei baenzneix manz.....”

Lungz Byauh youh hozhwnj youh najmong, nyengq ndang ndwn youq henz roen, dacaengz gyoengqde.

Sawqmwh, miz faj naj ngoenz naemj hwnz niemh he, youq ndaw 5 boux dahsau gyoengqde, de daenj aen

mauhdiemx he, gwnz mbaq song gwed nya nyoengqnywtynywt ceng mbouj geijlai dangj faj naj de lo, danghnaeuz mbouj dwg song lwgda youh rongh youh hung myaeg coh bonjfaenh baez he, Lungz Byauh itdingh nyinh mbouj ok boux dahsau daj henz ndang de byaij gvaq neix, dwg boux dahsau fangzhwnz de loqraen haenx.

Mwhhaenx de couh nyengh lo. Gyoengq dahsau neix gaenq byaij ndaej gig gyae lo, de lij ndwn youq

henz roen ngaеz.

“Dwg de! Couhdwg de!!”

Lungz Byauh youq ndawsim hemq, sim’angq ndaej gaemh ndaet le gaemgienz, gig maqmuengh ndaej sikhaek riengz baihlaeng gyoengqde itcig soengq de maranz. Doenghgij ngoenz neix, Lungz Byauh hix mbouj rox daеuj ra de geijlai baez lo, seizneix ndaej bungzraen le, dauqfanj mbouj rox baenzlawz guh cijndeи.

(caengz sat)

·Sawcuenhraez Lwngyez·

Gij Golwngnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

mauhdiemx he, gwnz mbaq song gwed nya nyoengqnywtynywt ceng mbouj geijlai dangj faj naj de lo, danghnaeuz mbouj dwg song lwgda youh rongh youh hung myaeg coh bonjfaenh baez he, Lungz Byauh itdingh nyinh mbouj ok boux dahsau daj henz ndang de byaij gvaq neix, dwg boux dahsau fangzhwnz de loqraen haenx.

Mwhhaenx de couh nyengh lo. Gyoengq dahsau neix gaenq byaij ndaej gig gyae lo, de lij ndwn youq

henz roen ngaеz.

“Dwg de! Couhdwg de!!”

Lungz Byauh youq ndawsim hemq, sim’angq ndaej gaemh ndaet le gaemgienz, gig maqmuengh ndaej sikhaek riengz baihlaeng gyoengqde itcig soengq de maranz. Doenghgij ngoenz neix, Lungz Byauh hix mbouj rox daеuj ra de geijlai baez lo, seizneix ndaej bungzraen le, dauqfanj mbouj rox baenzlawz guh cijndeи.

(caengz sat)